



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:


**Share** — copy and redistribute the material in any medium or format

**Adapt** — remix, transform, and build upon the material

The image shows the front cover of an old book. The cover is decorated with marbled paper featuring a pattern of dark, irregular shapes in shades of black, grey, and brown, outlined by thin veins of red and green. The spine of the book is visible on the left, bound in a dark, textured material. A small, white, rectangular label is affixed to the lower part of the spine. The label contains the number '85' above a horizontal line, and the number '7-77' below it. The book shows signs of age, with some wear and discoloration on the cover and spine.

85

7-77



ՄԱՆԿԱԿԱՆ — ԹԱՏՐՈՆ

*N 387*

ՊՕԼՈՒԻՄՊԻՐԻԱԼ

ԿԱՏԱԿԵՐԳՈՒԹԻՒՆ

ԵՐԿՈՒ ԱՐԱՐՈՒԱԾՈՎ

*N 237 m*

(Գ. ԳՈՐԾ.)

Թ ա ղ գ ժ ա ն և ց

ՅՈՎՀԱՆՆԷՍ ՆԱԶԱՐԵԱՆՑ

Տիփլիս

*1908*

Յովնանէս Մարտիրոսեանցի Տպարան.

1878

Հրատարակութիւն Զ. Գրիգորեանցի Կովկասեան  
Գրականութիւն

3085  
7-77 891.7

~~2788~~  
4043

# ՊՕԼՈՒԻՄՊԵՐԻՍԻ

ԿԱՏԱԿԵՐԳՈՒԹԻՒՆ

ԵՐԿՈՒ ԱՐԱՐՈՒԱԾՈՎ

(Գ. ԳՈՐԾ.)

13299

Թ ա ղ ժ ա ն ե ց

ՅՈՎՀԱՆՆԷՍ ՆԱԶԱՐԵԱՆՑ

Տիփսիս

Յովհաննէս Մարտիրոսեանցի. Տպարան.

1878

Հրատարակութիւն Զ. Գրիգորեանցի Կովկասեան  
Գրականութի:

4043

№

ՀԱՅԿԱ

ԵՐԿՈՒ ԽՕՍԲ:

«ՊՕԼՈՒԻՄՊԵՐԻԱԼ»-ը հանել էր «Новое Собрание театральныхъ пьесъ для дѣтскаго возраста. Санктпетербургъ, 1860.» գրքից, որ չորս հատոր է և պարունակում է իւր մէջ 50 պիէս: Այդ բոլորից մենք միայն «Պօլուիմպերիալ»-ին առաւելութիւն սուիւնք, ուստի և միայն այդ թարգմանեցինք՝ մի քանի աննշան փոփոխութիւններով:—

Дозволено цензурою. Тифлисе, 12 Июля 1878 года.



3085  
40

«ՊՕԼՈՒԻՄՊԵՐԻԱԼ»-ը առաջին անգամ ներկայացուեցաւ Սիմֆերոպոլում 1878 թ. փետրվարի 21-ին: Ներկայացնողներն էին Սիմֆերոպոլի Հայոց Ծխական Նրկսեռ Դպրոցի վերակացուհին և աշակերտուհիները: Ներկայացումն, որ եղաւ յօգուա նոյն Դպրոցի՝ անսպասելի կերպով շատ յաջող անցկացաւ և արժանացաւ տեղական հայ-հասարակութեան զովասանքին և շնորհակալութեանը:

Յ. Նապրեանյ.

ԳՈՐԾՈՂ ԱՆՁԻՆՔ.

ԵՐԷՅԿԻՆ, այլի.

ՍՐԲՈՒՀԻ, 12 տարեկան

ՀԱՅԿԱՆՈՒՇ, 10 տարեկան

} նոր տարեբաշտ.

ՄԱՐԻԱՄ, 15 տարեկան, նոյա հարուստ բարեխաճակին.

ԳԱՅԻԱՆԷ, 13 տարեկան, խելոճ ողջիլ:

ԳՕԼՈՒԻՄՊԻՐԻԱԼ.

Վատակերգութիւն երկու արարունաճով.

I. ԱՐԱՐՈՒԱԾ.

(Թատրոնի բէմը ներկայացնում է մէկ միջակ հարջատութեան տէր քահանայի սենեակ):

I. ՏԵՍԻԼ.

Սրբուհի և Հայկանուշ (Ձանասիրութեամբ կարում են: Մեծ սեղանի վերայ վառւում է լամպարը: Առաւօտ է. վաղ: Ժամացոյցը զարկում է 7 ժամը)

ՀԱՅԿԱՆՈՒՇ: Է՛ է. արդէն եօթ ժամն էլ խփեց: Էլ շատ ժամանակ չկայ մինչև լուսանալը: Բայց ո՞ր է մայրիկը: Վաղուց է, որ նա արթնացել է:

ՍՐԲՈՒՀԻ: Այո, նա շատ վաղ արթնացաւ և, մեր քուեր չխանգարելու համար կամաց-կամաց ներս մտաւ միւս սենեակը: Էլ քունս չէր անում, և ես տեսայ, ինչպէս նա վեր առաւ հայրիկի մեծ Աստուածաշունչը և մտաւ նորա առանձնասենեակը: Այն ժամանակից սկսած նա կարդում է այնտեղ և աղօթք է անում: Բարի մայրիկ: Նա մեզ համար է աղօթում:

ՀԱՅԿԱՆՈՒՇ: Այո՛, այսօր էլ այնպէս վաղ զարթեցաւ: Այդ բոլորը մե՛զ համար է: Նա մեզ համար ընծաներ է պատրաստում նոր-տարութիւն: Սիրելի՛ր և բարի՛ մայրիկ: Միշտ մեզ վերայ է մտածում: Իսկ ինքը դեռ ևս թէ՛յ էլ չէ խմել: Ինքնաեռն էլ արդէն եռ է գալիս:

ՍՐԲՈՒՀԻ: Ինչո՞վ պէտք է վարձատրենք մենք նորա սէրը: Ռ՛հ, տէր Աստուած, օգնիր մեզ, որ մխիթարենք նորան: Ի՛նչ ես կարծում, Հայկանուշ, ի՛նչպիսի ընծաներ է պատրաստել մեզ համար: Յայտնի բան է, նորա ամեն պարզեր թանկագին է ինձ համար. բայց այսուամենայնիւ, ես կցանկանայի իմանալ, թէ ի՛նչպիսի բան պէտք է լինի:

ՀԱՅԿԱՆՈՒՇ: Ի՛նչպէս իմանամ, թէ ի՛նչ է պատրաստուած մեզ համար: Բայց ի՛նչ լաւ կ'լինէր, եթէ մայրիկն ընծայէր մեզ այն մետաքսեայ կտորը, որ մենք անցեալ օրը տեսանք խանութներում: Ի՛նչ գեղեցիկ տօն օրուայ զգեստներ կ'ունենայինք: Ե՛հ, աւելորդ է նորա վերայ մտածելը: Նա այնպէս թանկ է, որ ո՛վ կ'արժանացնի մեզ: Նստ կարելի է, մեզ համար՝ մի-մի զոյգ կիսակօշիկ և մի-մի թաշկինակ է պատրաստուած: Ա՛խ, ի՛նչ ուրախութիւն է: Ի՛նչպիսի անհամբերութիւնով եմ սպասում ես երեկոյին:

ՍՐԲՈՒՀԻ: Կարելի է, մայրիկն այդ բոլորի վերայ կ'աւելացնի նաև սաղմոսն ու Աստուածաշունչը, որ մենք տօն օրերը կարդալու բան ունենանք: Օ՛հ,

մենք ի՛նչպէս պէտք է շնորհակալութիւն անենք նորան:

ՀԱՅԿԱՆՈՒՇ: Բայց մեր դրացուհի Մարիամը մեր հատը չի: Նորա համար, իւր հոյակապ պալատում, ո՛վ դիտի, ի՛նչպիսի շքեղ տօնակատարութիւն է պատրաստում նոր-տարուն զիմաւորելու: Սօ՛, նոր-տարին նորա մօտ մի շքեղ ու հարուստ կառքով է գալիս. իսկ մեզ մօտ՝ ոտով է գալիս:

ՍՐԲՈՒՀԻ: Եւ այդուամենայնիւ, դատարկ ձեռներով չի գալիս: Եւրաքանչիւրին իւր համեմատ: Թէ պալատներում և թէ խրճիթներում, Աստուած ամեն տեղ երեխաներին ուրախութիւն է ուղարկում: Ամենքին իւր հարստութեան համեմատ: Մի՛թէ դու մոռացար, որ հանգուցեալ հայրիկը շատ անգամ ասում էր, թէ. «Աստուած այնպէս է սիրում ամեն մարդկերանց, ինչպէս քնքուշ մայրը սիրում է իւր զաւակներին: Նա ոչոքի չի մոռանում: Թէպէտ ամեն մարդ չի ստանալ ոսկի և թանկագին քարեր, այսուամենայնիւ, մեզնից իւրաքանչիւրը մասը կ'առնի նորա հայրական սիրուց: Արեգակն ամենքին հաւասարապէս է տաքացնում և լուսաւորում. թէ հարուստներին և թէ խեղճերին»:



2. ՏԵՍԻՒ.

Նորա և Երեցկինը:

ԵՐԷՅԿԻՆ: Բարով, որդիք: Արդէն գործի վերայ  
էք: Նա՛ն դեղեցիկ: Ձեր փոքրիկ մասներում այնպէս  
արագութեամբ են շարժուում ասեղները, կարծես  
ամեն ուժով վազում են նոր տարուն դիմաւորելու:  
Ապա ցոյց տուէք ինձ ձեր գործը:

ՍՐԲՈՒՂԻՆ և ՀԱՅԿԱՆՈՒՇԸ (միասին): Ա՛խ,  
մայրիկ: Բարով, սիրելի մայրիկ: (Պրկում են նորան):  
ՀԱՅԿԱՆՈՒՇ: Մենք արդէն վաղուց սպասում  
ենք քեզ:

ՍՐԲՈՒՂԻ: Առանց քեզ, մայրիկ, կարծես, երկիւ-  
ղալի է: Մենք անհանգիստ էինք լինում քո մասին:

ԵՐԷՅԿԻՆ: (Նստելով բազմոցի վերայ): Ի՞՞՞՞ր,  
որդիք: Ես շատ ուրախ էի: Ես աղօթք էի անում,  
Աւետարան էի կարդում և մտածում էի ձեր հան-  
գուցեալ հօր վերայ:

ՍՐԲՈՒՂԻ: Եւ լաց էիր լինում: Ա՛խ, ես ինքս  
էլ շատ անգամ մտածում եմ հայրիկի վերայ և միշտ  
լաց եմ լինում:

ՀԱՅԿԱՆՈՒՇ: Ես էլ նոյնպէս: Բայց սիրելի մայ-  
րիկ, բաւական է, որքան լաց եղար. խնդրեմ, մի  
լաց լինիլ:

ԵՐԷՅԿԻՆ: Ձէ, որդիք, ես չեմ լաց լինում, - Ես  
պատրաստ եմ ամեն բանի համբերելու, ինչ որ Աս-

տուած կ'ուղարկի ինձ: (Ձեռները դէպի երկինք  
բարձրացնելով): Թող լինի նորա սուրբ կամբը: Թէ-  
պէտ իմ սիրտը խորին կերպով խոցուած է, այսուա-  
մենայնիւ, ես ոչ կ'ամենում եմ գանգատուել և ոչ՝  
տրանջալ: - Թո՛ւ, ի՛նչէս քնքշաբար, ի՛նչպէս ջերմ մի-  
րով էի սիրում ես ձեր հօրը: Յիշենք անդադար  
նորա անունը, նորա բարեգործութիւնները. գիշեր-  
ցերեկ աղօթենք նորա համար, համոզուած լինելով,  
որ նա էլ աղօթում է մեզ համար Ամենաբարձրեալի  
գահի առաջևը: (Ամենքը մի քանի րոպէ ընկնում են  
մտածողութեան մէջ):

ՍՐԲՈՒՂԻ: Մայրիկ, ես կ'գնամ թէյն կ'բերեմ:  
ինքնատեղ վազուց ես է գալիս: (Իւրօք է գնում):

ԵՐԷՅԿԻՆ: Գնա, հոգիս: Իսկ ես կ'նայեմ ձեր  
գործը: Տեսնենք, ձեզնից որն է լաւ կարել: (Նայում  
է Սրբուհու կարը): - Նա՛տ լաւ: Սրբուհին շատ ան-  
նման է կարում: նորա գերձանը (թել) ուղիղ է,  
ինչպէս լարը: (Վեր է առնում Հայկանուշի կարը):  
Իսկ դու, Հայկանուշ, լաւ ես կարում, ուղիղ. միայն  
քո գերձանը քիչ է ոլորած. պէտք է աւելի խորը  
ոլորել: (Սրբուհին բերում է ինքնատեղ. Հայկանուշի  
հետ միասին սփռոցը ծածկում են սեղանի վերայ,  
դնում են նորա վերայ ինքնատեղ, թէյնոցը, մա-  
տուցարանը, շաքարամանը և ամանները: Հայկանուշը  
նստում է իւր կարը շարունակելու. իսկ Սրբուհին  
բաժակներում թէյ է լցնում: Յետոյ ամենքը վեր են  
առնում մի-մի բաժակ և խմում են թէյն: - Կէ՛հ,

որդիք, ձեզ համար ուրախ օրը մօտենում է: Մեզանում սովորութիւն կայ նոր-տարուայ նախընթաց օրն ընծաներ տալ: Ես էլ Աստուծոյ առածից արդէն պատրաստեցի ձեզ համար ընծաներ, որքան կարողացայ:

ՀԱՅԿԱՆՈՒԾ: Ա՛խ, մայրիկ, խնդրեմ, լաւ ընծաներ լինին և շատ-շատ:

ՍՐԲՈՒՀԻ: Մանուանդ, որ այդ ընծաների մէջ մեզնից մէկի կամ միւսի համար ճիպոտ չ'լինի: (Ծիծաղելով) Հա՛ հա՛ հա՛:

ԵՐԷՅԿԻՆ: Դուք միշտ ինձ համար բարի որդեք էք եղած. ձիպոտը դեռ այն ժամանակն էլ հարկաւոր էք, երբ դուք շափազանց վոքըր էք: Իսկ այժմ ամենեւին հարկաւորութիւն չ'կայ նորա մէջ. և ես կամաքէի երբ և իցէ գործ դնելու այդ միջոցը՝ ձեզ ուղղելու համար: Սակայն չ'սպասէք նորան, ինչոր կար ձեր հանդուցեալ հօր կենդանութեան ժամանակը: Այն ժամանակ մենք հարուստ էինք: Նորա գործունէութիւնը և հոգատար սերը առատութեան մէջ էին ձգել մեր տունը: Այժմ, թէպէտ չ'կայ առաջուայ առատութիւնը, պէտք է շնորհակալ լինինք Աստուծոց, որ մենք ոչ մի բանի կարօտութիւն չ'ունինք: Որքան կարող եմ, կաշխատեմ հեռու պահել ձեզ կարօտութիւնից: Ես պատրաստեցի ձեզ համար ընծաներ իմ կարողութեան չափ: Եսա ուրախալի է ինձ վարձատրել ձեզ՝ ձեր բարեբարոյ վարքի, ձեր հնազանդութեան և ձեր աշխատասի-

րութեան համար: Մինչև մութն ընկնիլը, դուք պէտք է ցոյց տաք ինձ ձեր բոլոր ունեցածը. ես կամենում եմ տեսնել, արգեօք ամե՞ն բան դուք պահպանել էք և կարգո՞վ էք պահել: Դուք նոյնպէս ամեն բան ձեր մասին պէտք է պարզութեամբ պատմէք ինձ, ինչպէս խոստովանուելու ժամանակը:

ՍՐԲՈՒՀԻ: Օ՞ մայրիկ, ես ուրախութեամբ ցոյց կտամ քեզ իմ փոքրիկ արկղը. դու կ'տեսնես, թէ ինչպէս կարգին է ինձանում ամեն բան և լաւ պահպանուած: Եւ ես շատ ուրախ եմ պատմելու քեզ ամեն բան, ինչոր նստած է սրտիս վերայ:

ՀԱՅԿԱՆՈՒԾ: Ես էլ նոյնպէս: Իմ խիղճը մաքուր է:

ԵՐԷՅԿԻՆ: Սակայն ես ձեզ առաջուց պէտք է ասեմ՝ որ նա, ով ուսումնարանում լաւ թւանշաններ է ստացել. նա, ով տանն էլ աւելի բարեբարոյ էր և աշխատասէր, մի խօսքով, ձեզնից նա, ով ամեն բանում լաւ է եղել միւսից, կ'ստանայ ինձնից մէկ այնպիսի պարգև, որի հետ ոչմի ուրիշ պարգև չի կարող համեմատուիլ:

ՍՐԲՈՒՀԻ: Իսկ եթէ մենք երկուսս էլ հաւասարապէս լաւ եղած լինինք, այն ժամանակ, մեզնից որը կ'ստանայ այդ թանկագին պարգևը:

ԵՐԷՅԿԻՆ: Այն ժամանակ, ես ձեզ համար շնորհակալութիւն կ'անեմ Աստուծուն. և իմ թանկագին պարգևը ընդհանուր կ'լինի ձեր երկուսիդ համար: Բայց սիրելի որդիք, մտածեցէ՛ք, աշխարհիս վերայ ո՞րքան խեղճեր կան, որոնց համար նոր-տարին

ոչմի ուրախութիւն չի բերում: Հարուստների համար բերում է ուրախութիւն, քաղցրեղէն, նոր զգեստներ. իսկ խեղճերի համար՝ արտասուք, չոր հացի կտոր և պատառոտուած շորեր: Մտածեցէք սորա վերայ և որքան փոքր լինին իմ ընծաները, այսու ամենայնիւ, ընդունեցէք, շնորհակալութիւն անելով Աստուծուն, որ ինձ կարողութիւն տուեց դէժ այս փոքրիկ ուրախութիւնը պատճառելու: Միևնոյն ժամանակը չ'մոռանաք աղքատներին և տուէք նոցա ձեր աւելորդը:

ՍՐԲՈՒՀԻ: Օ՛օ, երանի՜ ես աւելի շատ ունենայի աւելորդ բաներ: Ողորմութիւն տա՛ն աւելի ուրախալի է, քան պարզէներ ստանալը:

ՀԱՅԿԱՆՈՒՇ: Զշմարիտ է: Մայրիկ մտածե՛նք միասին, թէ ի՛նչ տանք խեղճերին:

ԵՐԷՅԿԻՆ: Լաւ, հոգեհալս, մտածե՛նք: Բայց ես մի խեղճ այրի եմ. իսկ դուք՝ որբեր: Փառք Աստուծոյ, որ ձեր հօր մահից յետոյ մենք կատարեալ աղքատութեան մէջ չ'ընկանք: Մենք չ'ենք կարող շատ տալ. բայց ինչոր կարող ենք տալ, պէտք է խոհեմութեամբ տանք: Զափաւոր եղէ՛ք, որովհետեւ չափաւոր մարդուն միշտ այնքան կ'մնայ, որ կարող է մասն հանել այլ քատին: Հեռատեսութեամբ տուէ՛ք. իւր ժամանակին տալը ճշմարիտ բարեգործութիւն է. առաձն էլ է ասում. «Փանկ է ողորմութիւնը չքաւորութեան ժամանակը»: Բայց, վեր առէ՛ք թէ յս Ահա. այս լոպէիս Մարիամն անցկացաւ լուսամուտի

մօտովը. անկասկած, նա մեզ մօտ է գալիս: (Երեխայքը բոլորը տանում են միւս սենեակը:)

3. ՏԵՍԻԼ.

Նորա և Մարիամի:

ՄԵՐԻՍ: (Ուրախ-ուրախ ներս է մտնում:) Բարո՞ վ, երէցկին. Սրբուհի, Հայկանուշ, բարով:

ԵՐԷՅԿԻՆ: Նստեցէ՛ք, օրիորդ:

ՄԱՐԻՍ: (Նստելով) Ա՛խ, ի՛նչպէս ուրախ եմ ես այսօր: Արդեօք վաղ չ'եմ եկել ձեզ մօտ: Ներեցէ՛ք, երէցկին, եթէ ես ձեզ խանդարեցի. բայց, որ գիտենաք, ի՛նչպէս ցանկանում էի տեսնուիլ ձեր ամենից հետ...:

ՍՐԲՈՒՀԻ: Բարի՛ Մարիամ, որքան սիրում եմ քեզ:

ԵՐԷՅԿԻՆ: Միք նեղանալ, օրիորդ: Այնքան էլ շատ վաղ չի. մենք վաղուց ենք արթնացել:

ՀԱՅԿԱՆՈՒՇ: Ես ու քոյրս երկար ժամանակ կարում էինք միմեանց առաջը կտրելու: (Տեղեց վեր կենալով) Մարիամ, չ'ես կամենալ, քեզ համար ինձոր բերեմ:

ՄԱՐԻՍ: Ո՛չ, սիրելի Հայկանուշ, շնորհակալ եմ. դեռ շատ վաղ է. ես նոր վերկացայ անկողնից և թէյ խմեցի: Զարմանում եմ ձեր աշխատասիրութեան վերայ և չ'եմ հասկանում, թէ ի՛նչպէս կարելի

է համ ուտել, համ աշխատել, երբ սպասում ես այսպիսի մի ուրախ երեկոյի: Պատառը բողազումս ներս չի գնում: Մայրիկս ինձ գորով թէյ խմացրեց և թոյլ տուեց մինչև երեկոյ: Այսօր ես ո՛ւմի դաս չունիմ: բոլոր ուսուցիչներիս ասել ենք, որ չգան, որովհետև ես ոչինչ չէի կարող հասկանալ: Ես այնպէս շփոթուած եմ, որ չեմ կարող ո՛ւմի գործով պարսպել:

ԵՐԷՑԿԻՆ: Այդուամենայնիւ, ուրախութիւնը չպէտք է գործին խանդարի: Հանգստութիւնը միայն աշխատանքից յետոյ է քաղւոր. երբ լաւ-օրինաւոր աշխատում ես, այն ժամանակ գուարձութիւններն էլ աւելի ուրախալի են լինում: Տեսէք, իմ աղջկիւրքն ասում են՝ որ աշխատանքը նոցա համար կարճացնում է ժամանակը, որ, երբ մարդ գբաղուած է լինում, ժամերը թռչում են և, որ գործի նստած ժամանակը դեռ ևս չեն կարող յետ նայել, ահա, կ'գայ այն ցանկացած երեկոն, որին նոքա ամբողջ տարին սպասում էին:

ՄԱՐԻԱՄ: Մի յանդիմանէք ինձ, սիրելի երեկակին: Ահա, ես կ'աշխատեմ ձեզ մօտ, և ջանասիրութեամբ կ'աշխատեմ: Չէ՞ որ ես ամբողջ տարին ջանասէր էի. և դորա համար այսօր կամենում եմ ուրախութիւն անել: Մայրիկս խոստացաւ ինձ այսօր երեկոյն մի դեղեցիկ տօնակատարութիւն պատրաստելու այն բանի վարձատրութեան համար, որ ես սորանից ամիս ու կէս առաջ՝ մի հարուստ ողորմութիւն տուեցի մի խեղճ պառաւ կնոջ:

ՀԱՅԿԱՆՈՒՇ: Պատմիր, Մարիամ, ի՛նչպէս պատահեցաւ: Ո՛րտեղ գտար դու այդ պառաւին:

ՄԱՐԻԱՄ: Նոյեմբերի 21-ին էր, իմ տօնախումբութեան օրը: Ես դայեակիս հետ եկեղեցի էի գնում, պատարադի: Դու գիտես, որ մեր տան մեծ գաւթումը փայտ էին տաշում, և այնտեղ շաա փայտի կտորտանք ու տաշեղ կար հաւաքուած: Մայրիկս հրամայեց, որ շուտով տանեն այն տաշեղները, որ գաւթիժը մաքրուի: Իսկ դռնապանը թոյլ էր տուել մի պոռաւ կնոջ, որ ո՛րքան կամենար, փայտ ու տաշեղ հաւաքէր իւր վառարանի համար: Խեղճ պառաւը մի ահագին պարկ տաշեղով լցրեց և մի կերպով դրեց ուտերի վերայ: Բայց բեռն այնքան ծանր էր, որ նա չէր կարողանում տեղից շարժուիլ: Նա սնըում էր բեռան տակը, լաց էր լինում: Եւ այդուամենայնիւ, չէր կամենում դէն ձգել պարկը, ասելով, որ ոչինչ չ'ունի վառարանը վառելու համար, և փայտ առնելու համար էլ փող չ'ունի: Ես սկսեցի հարցնել նորան իւր ապրուստի մասին, և նա, Աստուած գիտի, թէ ինչ պատմեց ինձ: Թէպէտ ամեն մարդու չ'պէտք է հաւատալ բայց ես շատ ցաւեցայ: Եւ հրամայեցի նորան սպասել տուն վերադարձայ և իմ քսակից հանեցի երեք արծաթեայ ուրբանոց. երեքն էլ փայլուն, նոր:

ՍՐՔՈՒՆԻ: Եւ այն խեղճ պառաւի՛ն տուիր:

ՄԱՐԻԱՄ: Յայտնի բան է: Եւ, բացի դորանից՝ մայրիկս հրամայեց դռնապանին, որ տաշեղով լցրած

պարկը տանէր պառաւել տունը: Չէք կարող երևա-  
կայել, թէ ինչպէս ուրախացաւ խղճուկ կինը: Նա,  
համարեան, խելագարուեցաւ. աղօթք էր անում, որհ-  
նում էր ինձ: Այդ անասելի կերպով ինձ դուր էր  
գալիս. և մայրիկս, տեսնելով, որ ես սրտաշարժուած  
էի, գովում էր ինձ:

ԵՐԷՅԿԻՆ: Եւ գովելու պատճառ ունէր: Գուք  
բարի գործ կատարեցիք, սիրելի Մարիամ: Աստուած  
ձեզ կ'վարձատրի դորա փոխարէն: Միշտ կարեկից  
եղէք զէպի խեղճերը. Աստուած ձեզ միջոց է տուել  
նոցա օգնելու: Բայց ո՞վ էր արդեօք այն պառաւը և  
ո՞ր գնաց նա ձեր փողերն ստանալուց յետոյ:

ՄԱՐԻԱՄ: Ժշմարիտն ասեմ, չ'գիտեմ: Ես չը-  
հարցրի պարկը տանող դանապանին, թէ նա որտեղ  
էր բնակուում: Ես միայն կամեցայ օգնել նորան և  
մխիթարել: Մի տեսնէիք, ի՜նչպէս ցաւալի կերպով  
լաց էր լինում: Բայց այն օրից սկսած՝ ես չ'եմ տե-  
սել նորան և ոչինչ չ'գիտեմ նորա մասին:

ԱՐՅՈՒՆԻ: Ա՛խ, ի՜նչ ուրախալի բան է խեղ-  
ճերին օգնել, լաւութիւն անել մարդկերանց:

ՄԱՐԻԱՄ: Հէնց այն ժամանակ մայրիկս ասաց.  
«Ես չ'եմ մոռանալ այն, ինչոր դու այսօր արեցիր:»  
Եւ ահա, այդ պատճառով այս երեկոյին ինձ մի  
ուրախ տօնակատարութիւն է սպասում:

ԵՐԷՅԿԻՆ: Ես գիտեմ, թէ որքան ուրախութիւն  
է ձեր մօր համար՝ վարձատրել ձեզ պէս բարի աղ-  
ջկան:—Սիրելի որդիք, այժմ ես հեռանում եմ ձեզ:

նից. ես դեռ ևս շատ գործ ունիմ, ամեն բան պէտք  
է երեկոյեան պատրաստ լինի. ուրեմն, առ այժմ  
մնա՛ք բարով: (Գուրս է գնում:)

4. ՏԵՍԻԼ.

### Սրբուհի, Հայկանուշ

### և Մարիամ:

ՀԱՅԿԱՆՈՒՇ: Գնա՛, բարի մայրիկ. Տէր ընդ  
քեզ: Ինձ յայտնի է, թէ նա ի՜նչքան գործ ունի:  
Նա մեզ համար նոր տարութիւն ընծաներ է պատ-  
րաստում:

ՄԱՐԻԱՄ: Ինչ և իցէ. եկէ՛ք կարենք: Ես կ'օգ-  
նեմ ձեր կարին: Գուք զիտէք, որ ես լաւ եմ կա-  
րում. ինքներդ էք սովորեցրել ինձ: Պէտք է աշխա-  
տել. ձեր մօր առած կորհուրդն ինձ համար օրէնք  
է: Ի՜նչքան սիրում եմ նորան: Ասում է աշխատան-  
քը կարճացնում է ժամանակը: Ինձ թոյլ է տրուած  
մինչև երեկոյ ձեզ մօտ մնալ. և, երբ տօնը պատ-  
րաստ կ'լինի, այն ժամանակ մայրիկս մեր ետեկց մարդ  
կ'ուղարկի: Նա անպատճառ կամենում է, որ դուք էլ  
գաք մեր տուն: Իսկ մինչև այն ժամանակը ես շատ  
ուրախ կ'լինեմ ձեզ մօտ մնալովս:

ՀԱՅԿԱՆՈՒՇ: Լսիր, սիրելի Մարիամ. եթէ կա-  
մենում ես կարել ինչդեմ՝ իմ կարին օգնես. Իսկ  
ես պէտք է գնամ խոհանոցը. այսօր իմ աշխատելու

օրն է: (Իւր կարը տալիս է Մարիամին:)

ՄԲԲՈՒՉԻ: Լաւ, զնա: Բայց աշխատիր, որ ծաշին մի լաւ բան ելիս մեզ համար: (Հայկանուշը դուրս է գնում:)

Տ. ՏԵՍԻ.

Սրբուհին և Մարիամը (Նստում են կարի:)

ՄԱՐԻԱՄ: Սրբուհի, սիրելիս: Եթէ դու զիտե նայիր, թէ որքան ես ուրախ եմ այսօր: Ինձ համար այս էլ է ուրախութիւն, որ ես ու դու մենակ մնացինք: Ես քեզ շատ եմ սիրում:

ՄԲԲՈՒՉԻ: Ես էլ եմ սիրում քեզ բոլոր սրտովս, սիրելի Մարիամ:

ՄԱՐԻԱՄ: Ես շատ եմ սիրում Հայկանուշին, և միշտ ուրախ եմ լինում նորա հետ խաղալիս. բայց քեզ չափազանց շատ եմ սիրում: Դու, կարծես, աւելի մտախի ես իմ սրտին: Դու միշտ կարողանում ես գուշակել իմ տիրութեան պատճառը, հեղութեամբ ուղղում ես իմ պակասութիւնները և բարի բաներ ես սովորեցնում:

ՄԲԲՈՒՉԻ: Իսկ դու, սիրելի Մարիամ, միշտ ինձ վերայ ես մտածում: Դու բաժանում ես ինձ հետ քո բոլոր զգացմունքները: Քո հաւատարիմ բարեկամութիւնն ինձանում շատ պակասութիւններ է ուղղել և ինձ շատ է բաղաւորացրել:

ՄԱՐԻԱՄ: Սո՛, լռիր: Բաւական է, որքան գովեցիր ինձ. եթէ ոչ ես, յիրաւի, կ'հաւատամ, որ շատ բարի եմ:— Ուրիշ ոչինչ չէի խնդրիլ Սասուն ծուց, միայն, որ ես էլ քեզպէս լինէի: Ես ուրիշ բան չեմ ցանկանում: (Նորա կանդնում են և գրկոււմ են միմեանց: Մարիամը, անթարթ աչքով նայելով Սրբուհու երեսին, ասում է.) Սրբուհի, ի՛նչ պատահեցաւ քեզ: Ինչո՞ւ դու այդպէս տըրտմութեամբ նայում ես ինձ վերայ:

ՄԲԲՈՒՉԻ: Ես կամենում էի մի բան թագցնել քեզինց. բայց զգում եմ, որ անկարելի է:

ՄԱՐԻԱՄ: Ո՛չ, Սրբուհի. ոչինչ մի ծածկիլ ինձնից: Իդուր չէ, որ ես հետաքրքրոււմ եմ իմանալու ամեն բան, ինչոր քեզ է վերաբերում: Դու զիտես, ինչպէս սիրում եմ քեզ: Չեմ կարող արդեօք օգնել քեզ:

ՄԲԲՈՒՉԻ: Կարող ես, ո՛հ, յայտնի բան է, կարող ես: Լսիր. ես բոլորը կ'պատմեմ քեզ: Բայց պէտք է հեռուից սկսեմ. դու գեւ ոչինչ չգիտես:

ՄԱՐԻԱՄ: Դեհ, շուտ: Պատմիր բոլորը:

ՄԲԲՈՒՉԻ: Իմ հօր ժողովրդի մէջ, (ցոյց է տալիս մատով) ահա, այս անկիւնաւոր մեծ տանը, ամենաստորին բնակարանում, որ մինչև կէսը գետնի մէջն է, բնակոււմ էր մի ոստայնանկ (ՄԵՅՊԵ) իւր ընտանիքով. այսինքն՝ իւր մօր, կնոջ և աղջկայ հետ: Նա և իւր կինը աշխատում էին գործարանում. այնպէս, առանց մի բանի կարօտութիւն քաշելու՝ պատ-

Հում էին իւրեանց ընտանիքը: Մնացին՝ պտուաւ մայրը և 13 տարեկան աղջիկ Վայիանէն: Յաւալ էր տեսնել այս տարաբալտ ընտանիքը: Մէկ օրուայ մէջ երկու գողաղ դուրս տարան: Մենք ներկայ էինք թաղմանը: Ի՛նչպէս հիմա էլ տեսնում եմ խեղճ Վայիանէին իւր հօրն ու մօր գերեզմանի մօտ: Ի՛նչպէս լսում եմ այս բոպէիս, թէ նա ի՛նչ յուսահատութիւնով կանչում էր նոցա: Յետոյ, տարաբալտ աղջիկը հեռացաւ անպատասխան գերեզմանից և, տուն վերադառնալով, սկսեց արօթել արատաւք թափելով: Նա աչայր մերձն էր առում իւր մէջ, միայն բարձր, և հեծկտարով բացագանչում էր. «Թող լինի Քո կամքը: Երկար ժամանակ նա ոչինչ չէր տեսնում: Վերջապէս, մի փոքր ուշքը զլուխը բերելով, տեսաւ, որ ես կանգնած եմ իւր մօտ: Նա փաթաթուեցաւ պարանոցովս, և մենք երկար ժամանակ (երկու ձեռով ծածկում է երեսը և լաց լինում.) լաց էինք լինում միմեանց զրկած:

ՄԱՐԻՍ: Բայց ինչու դու ոչինչ չէս ասել ինձ զորա մասին: Կանչե՛ք նորան. ես կամենում եմ մի բան ընծայել նորան նոր-տարութիւն:

ՍՐԲՈՒՇԻ: Ո՛չ, այդ կարոյ է վերաւորել նորան: Նա շատ խեղճ է, բայց իւր ձեռքի աշխատանքովն է ապրում և ոչորից ոգրմութիւն չի ընդունում:

ՄԱՐԻՍ: Բայց այդ խղճուկ որբը մենակ չի լինիլ ապրիլիս:

ՍՐԲՈՒՇԻ: Ո՛չ, նա իւր մեծ-մօր հետ է բնակուում, և մեծ սիրով ման է գալիս զառամեալ պառաւի հետ: Բայց գէու լսիր: Մօտ օրերունս ես կրկին կերակուր տարայ նոցա համար, որ ուղարկեց մայրիկս: Խեղճ Վայիանէն լաց էր լինում. բայց ինձ չէր կարողանում ասել, թէ ինչու էր լաց լինում: Իսկ ես ձեռք չ'վերառայ նորանից, մինչև վերջապէս նա տարաւ ինձ իւր հանգուցեալ հօր աշխատութեան մէքինայի (СТАНОКЪ) վերայ և ցոյց տուեց այն՝ արտասուքն աչքերին: Ես տեսայ սպրտակ քաթանի սկսուածքը կապոյտ շերտերով: աչայրս կամենում էր ինձ համար նոր-տարութիւն նոր շոր գործելը, ասաց Վայիանէն տխրութեամբ: «Այս բոլորը մայրիկս ի՛նքն է հիւսել և ներկել: Ի՛նչպէս ջանասիրութեամբ նա սկսել էր աշխատել ինձ համար: Այժմ՝ երկուան էլ հանգստանում են խոնաւ հողի տակը: Ար կողմը նայում եմ, ամեն տեղ երեխայքը ուրախութեամբ դիմաւորում են տօներին և նոր-տարուն. իսկ ինձ համար ո՛չ տօն կայ, ո՛չ ուրախութիւն», շարունակեց նա հեծեծալով. «Ինձ համար միայն արտասուքն է բաժին մնացել: Բայց ինձ ուրախութիւնն էլ չի հարկաւոր: Ո՛հ, եթէ ես կարողանայի դուրս հանել նորանց գերեզմանից և կրկին տուն բերել:» Ա՛խ, Մարիան! Ես քեզ ոչինչ չ'ասացի Վայիանէի մասին. բայց նա սքմի բոպէ չէր դուրս գալիս իմ մտքից: Ես շատ անգամ տեսութիւն էի գնում նորան և մտածում էի, թէ ինչով կարող

3085  
40



էի ուրախացնել նորան: Վերջապէս, ահա, ինչ ծագեցաւ գլխումս: Ես գնացի փողոց, մի ծանօթ վաճառականից գնեցի ձիշէ մէկ այնպիսի սպիտակ քաթանի կտոր կապոյտ շերտերով, ինչպէս այն, որ ես տեսայ նորա հօր մեքենայի վերայ. և տուեցի դերձակին իմ չափսով Գայիանէի համար շրջագրեալ կարելու: Թէպէտ նա մի տարով մեծ է ինձնից, բայց ձիշէ իմ հասակի է: Այսօր կրերեն այն շրջագրեալը, և ես պէտք է խանութպանին ու դերձակին վճարեմ կտորի և կարելու գինը: Ես նոցա խոստացել եմ, որ այսօր փողը տանեմ:

ՄԱՐԻԱՄ: Փող չ'ունիս: Ա՛ն ինձնից. ես ուրախութեամբ կ'տամ քեզ:

ՍՐԲՈՒՀԻ: Ո՛չ, ի՛նչ ես տուեմ. ես չեմ կամենում փոխ առնուլ: Բայց խնդրում եմ քեզ, մանրի՛ր այս:

ՄԱՐԻԱՄ: (Առնելով ձեռքից փողը և զարմանալով) Ի՛նչ: Դու ոսկի է՛լ ունիս: Ձէ, Սրբուհի, ես չ'զիտէի, թէ դու այդպէս հարուստ ես:

ՍՐԲՈՒՀԻ: Ա՛խ, այս պօլուխակերիալից ես հեռանում եմ, ինչպէս իմ հոգուց: Բայց վեր առ և ոչինչ չասես սորա մասին՝ ո՛չ մօրս և ո՛չ Հայկանուշին:

ՄԱՐԻԱՄ: Ես ճանաչում եմ այս: Սա այն հին պօլուխակերիալն է, որ ընծայեց քեզ աէր-հայրը մեռնելու ժամանակ: Ո՛հ, յայտնի բան է. նա առաջուց գիտէր, որ դու սորան բարի բանի վերայ գործ կ'ածես: Եւ չ'խալուեցա՛ւ: Բայց ես չեմ մանրիլ:

Ասա, որքան փող է հարկաւոր քեզ: Ես այս բոլորէիս կրերեմ:

ՍՐԲՈՒՀԻ: Ո՛չ, Մարիամ. մի խլեր ինձնից իմ ուրախութիւնը: Մանրի՛ր իմ պօլուխակերիալը: Եթէ դու չ'ես կամենում մանրել, այն ժամանակ ես կ'տանեմ կ'տամ խանութպանին և նորա մօտ կ'մանրեմ: Յետոյ կ'գնամ դերձակի մօտ, կ'վերառնեմ շրջագրեալը և կ'տանեմ, Գայիանէին կ'տամ: Բայց ես չ'էի կամենում, որ այս պօլուխակերիալն ուրիշի ձեռքն ընկնէր:

ՄԱՐԻԱՄ: Համեցէ՛ք, իմ հրեշտակ Սրբուհի: Տուր ինձ այդ ոսկին. ես քեզ արծաթ կրերեմ: Միայն մի բան եմ խնդրում. շրջագրեալը Գայիանէին տանելիս, ինձ էլ հետդ տար. ես ցանկանում եմ տեսնել նորա ուրախութիւնը:

ՍՐԲՈՒՀԻ: Բայց Գայիանէն ո՛չմի կերպով չ'պէտք է իմանայ, թէ ո՛վ է ընծայել նորան շրջագրեալը: Եթէ ո՛չ կ'քանդուի իմ բոլոր գաղափարը և իմ ուրախութիւնը կ'թոււաւորուի: Լսիր: ձաշից յետոյ Գայիանէն և իւր մեծ մայրը կ'գնան բերելու այն փայտը, որ նոքա գնել են իւրեանց աշխատած փողով: Այդ միջոցին ես ծածուկ ներս կ'մտնեմ նոցա սենեակը և սեղանի վերայ կ'գնեմ գրեալը մի թղթի կտորով, որի մէջ պէտք է գրուած լինի. «Աստուածոյ ընտան իքի մէջ որբեր չ'կան: Հօրդ ըսկրածն այժմ վերջացաւ. Աստուած նորատարուայ հետ ուրախութիւնէ ուղարկուեմ»



քերչս Ահա, թէ ինչ պէտք է գրուած լինի այն թղթումը:

ՄԱՐԻԱՄ: Չեմ հասկանում, թէ ինչու Գայիանէն չ'պէտք է գիտենայ, թէ ո՞վ է ընծայում նորան: Գիտեն, նա որքան շնորհակալ կ'լինի քեզնից. և դու որքան կ'ուրախանաս, տեսնելով նորա շնորհակալութիւնը:

ՍՐՔՈՒՂԻ: Հէնց այդ է, որ ես չ'եմ կամենում: Ես չ'եմ ուզում, որ ուրիշները գիտենային այն, ինչոր ես արել եմ: Աւետարանում գրուած է. «Թող չ'իմանայ քո աջը, թէ ինչ է անում քո ձախը: Թող քո ողորմութիւնը լինի ծածուկ. և քո հայրը, որ տեսնում է ծածուկ, կ'տայ քեզ յայտնապէս:» Մարիամ, ինձ համար արդէն այն էլ զրկանք է, որ դու գիտես. բայց ինձ հարկաւոր է քո օգնութիւնը: Ինձ համար մեծ ուրախութիւն կ'լինի, որ մտածեմ ինձ ու ինձ, թէ ուրախացրի խեղճ Գայիանէին և, որ նա չի կարողանում իմանալ, թէ ո՞վ է ընծայել իւրեան: Ինչքան կ'ուրախանամ ես, երբ կ'սկսի ցոյց տալ ինձ իւր զգեստը և կ'խօսի իւր զարմացման վերայ:

ՄԱՐԻԱՄ: (Զեռները դէպի Սրբուհին պարզելով.) Դու կատարեալ հրեշտակ ես: Ես ամաչում եմ քեզ վերայ նայելու: Սօ, ես որքան փառասէր եմ: Ես սիրում եմ տալ. բայց նոյնպէս սիրում եմ, որ ուրիշները գիտենային, թէ ես տալիս եմ և, որ ինձ գովէին: Եթէ ես մի որևէ բարեգործութիւն եմ

անում, միշտ առաջ ես եմ պատմում իմ արածը: Իսկ դու. ծածկաբար ներս ես մտնում աղքատութեան բնակարանը, սրբում ես սրտանութեան արտասուքը, կարեկցութեամբ ականջ ես դնում տարաբաղաների զանգամներին և մխիթարում ես նորանց: Ես կարող եմ բռնելով ողորմութիւն պիտել, առանց մի պակասութիւն զգալու. իսկ դու՝ տալիս ես քո վերջին ունեցածը: Ինչ մեծ զանազանութիւն կայ մեր մէջը: (Աւելի մօտենալով) Բայց մի՛ զաղարիւլ ինձ սիրելուց: Ես կամենում եմ ամեն բանում քեզ նմանուիլ, կամենում եմ ամեն բանում քո խորհուրդներին հետևել, ընդունել քեզնից ամեն լաւ բան:

ՍՐՔՈՒՂԻ: Բաւական է, վերջացրու: Ես արժանի չ'եմ այդ բոլոր գովասանքներին: Միայն, լսի՛ր. ես էլի՛ մի խնդիր ունիմ քեզ մօտ: Գիտենալով, որ ես ու դու բարեկամ ենք, Գայիանէն խեղճ կ'եղբակացնի, որ ես նորա մասին խօսել եմ քեզ հետ և կ'գայ քեզ շնորհակալութիւն անելու...: Մարիամ, աղաչում եմ, ընդունի՛ր նորա շնորհակալութիւնը: Բարեկամների մնջ երկար քննողութիւն չ'պէտք է լինի: Թող իմ արած բարի գործը քո արած համարեն: Քո բարեգործութիւնն ամենքին յայտնի է: Բնական է, որ այս դիպուածում ևս քեզ վերայ կարծիք կ'տանեն: Ոչքի չ'յայտնես բանի էութիւնը:

ՄԱՐԻԱՄ: Դու ինձնից չափազանց շատ ես պահանջում: Բայց թող քո ասածը լինի: Ես կ'լռեմ, կ'ընդունեմ Գայիանէի շնորհակալութիւնը. բայց հո-

զուս խորքումը կ'իսոնարհուիմ քո առաջը, ինչպես մի հրեշտակի առաջ, որ չափազանց բարձր է ինձնից:

ՍՐԲՈՒՂԻ: Ես էլ պատրաստ եմ կատարելու քո բոլոր կամքը: Պատրաստ եմ մեռնել քո փոխանակ: Այժմ, գնանք բերենք Պայիանեի շրջազբեստը: (Դուրս են գնում, միմեանց ձեռքը բռնած:)

Վարադայրն էջնում է:



II. ԱՐԱՐՈՒԱՆ

1. ՏԵՍԻԼ:

(Մի փոքրիկ, համեստ դահլիճ երեցկնոջ տանը: Բեմի խորքում դրուած է երկու փոքրիկ սեղան, երեսներին սփռոցներ քաշուած: Մէջ տեղը, բազմոցի առաջը, մեծ սեղանի վերայ դրուած է մի կողով՝ երեսը ծածկած և մի փոքրիկ զանգակ:)

ԵՐԵՑԿԻՆ: (միայնակ): Ահա. այս էլ հին տարուայ վերջին երեկոն: Վաղը գալիս է նորը: Սօ, անյայտ ժամանակ: Ի՛նչպիսի երկիւղով եմ հանդիպում քեզ: Կար ժամանակ, որ ես էլ իմ աղջկերանց պէս, ուրախութեամբ սպասում էի քեզ: Կար ժամանակ, որ ես էլ խաղաղ սրտով, ոչինչ բանի վերայ չ'էի հոգում, բացի այն ընծաներից, որ բերում էր ինձ համար նոր-տարին: Ի՛նչպիսի անհամբերութիւնով ես էլ կանգնում էի այն փակուած դռների մօտ, որոնց ետեւը ծնողական քնքուշ սէրը հոգս էր տանում իմ մանկական ուրախութիւնների վերայ: Ենորհակալ եմ Աստուծուց. այժմ ես էլ կարող եմ ուրախութիւն պատրաստել իմ զաւակների համար: Ես էլ կ'ուրախանամ նոցա հետ միասին: Իսցց՝ իմ ուրախութիւնը թունաւորուած է: Սրբուհին, իմ արտի սիրելին՝ վշտացրեց ինձ: Նա, որ այն-

պիսի հօդաաարութեամբ պահպանում էր ամեն բան, ինչոր պատկանում էր իւր հօրը...: Աս կամենում էի տալ նորան հայրական Աստուածաշունչը. բայց այժմ այդ չե կարելի. դա անիրաւացի կլինէր: Ի՛նչպիսի անհաւատարի թեթեամբութեամբ նա կորցրեց իւր հօր ընծայած պօլուխնպէրիպը. նորա վերջին ընծան, որ հրամայեց նորան պահել սե օրուայ համար: Մեր կարողութեանը նայելով՝ այդ գումարն էլ նշանատր է, մի կողմը գնելով հայրական ընծայի մեծ նշանակութիւնը: Չէ. նորա թեթեամբութիւնն աններել է...:

2. ՏԵՍԻՒ.

**Երեցկինը և մարիամը.**

ՄԱՐԻԱՄ: Երեցկին, թոյլ տուէք, որ օգնեմ ձեզ՝ սեղանների վերայ դարսելու այն ընծաները, որ դուք պատրաստել էք ձեր աղջկերանց համար: Նորա միւս սենեակումն են և դողում են անհաւ բերութիւնից: Յետոյ, երբ դուք ամեն բան կ'փերջացնէք, յոյս ունիմ, որ չէք մերժիլ Սրբուհու և Հայկանուշի հետ միասին շնորհ բերելու մեր տուն և սպասելու տասներկու ժամին, որ միասին հանդիպենք նոր-տարուն: Սրբուհին յնձնեց ինձ, որ սորա մասին ինդրեմ ձեզ խոնարհարար: Վուք լազիտէք, որ առանց ձեզ և առանց ձեր աղջկերանց՝ ինձ համար սօնը սօն չի:

ԵՐԵՅԿԻՆ: Ենորհակալ եմ ձեր սիրոյ մասին, սիրելի Մարիամ: Աս չեմ փշագնիլ ձեր սօնը, և անպատճառ կ'զամ ձեզ մօտ երկու աղջկերանցս հետ: Դեռ օգնեցէք ինձ տեղաւորելու այստեղ իմ ընծաները: (Նա բաց է անում կողովը և, հանելով նորա միջեց իրերը, ատում է.) Առաջ դարսե՛ք ամեն բան Հայկանուշի սեղանի վերայ: (Յետոյ մէկ-մէկ հանում է. Մարիամը ձեռքից առնելով՝ նայում է և դնում է փոքրիկ սեղաններից մէկի վերայ.) Ահա՛, նորա համար՝ մի վարդագոյն զգեստ, սե կիսակօշիկներ, թիկնոց, որ ես ինքս եմ կարել, մի դէսա սպիտակ թուղթ, մի կապ մատիտ, մի կապ նոր գրիչ և մի սաղմոս: Սրբուհու համար էլ այսպէս է պատրաստուած: Բայց Հայկանուշին, բացի սորանից՝ կ'տամ նաև հայրական Աստուածաշունչը:

ՄԱՐԻԱՄ: Ի՛նչպէս թէ Հայկանուշին...: Ինչո՞ւ Սրբուհուն չէք տալիս...:

ԵՐԵՅԿԻՆ: Աս ցաւով պէտք է տես, որ Սրբուհին արժանի չի մէկ այսպիսի գանձի տէր դառնալու:

ՄԱՐԻԱՄ: Ի՛նչ, երեցկին. ի՛նչ էք ասում Անիրաւաբար միք վարուիլ Սրբուհու հետ: Ի՛նչ պէտք է անէր նա. այն հրեշտակ Սրբուհին: Ինչո՞ւ համար էք բարկանում նորա վերայ:—Նա շատ կը վշտանայ:

ԵՐԵՅԿԻՆ: Հաւատացէք, որ ինձ համար էլ պակաս վշտալի չի նորանում յանցանք տեսնելը: Բայց, ինքներդ դատեցէք: Ձեզ, ինչպէս Սրբուհու բարե-

կամի՛ եւս կարող եմ բոլորը պատմել: Նրեակայեցէ՛ք. նա կորցրել է այն պօլուիմպերիալը, որ առեց նորան հանգուցեալ հայրը մահից մի քանի օր առաջ:— Յանկանալով տարուայ վերջը վարձատրել աղջկերանցս իւրեանց արժանաւորութեան համեմատ, եւ տեսայ նոցա բոլոր ունեցածը: Առաջ նայեցի նոցա տեւրակների վերայ ուսուցչի նշանակած թւանշանները. նոքա երկուսն էլ հաւասարապէս լաւ են սովորել: Յետոյ՝ նոցա կարը, նոքա երկուսն էլ կարում էին լաւ և ջանասիրութեամբ: Նոքա այնպէս լաւ են սովորել, գործել ու կարել, որ աւելի չէր կարելի սպասել: Ես միշտ բաւական եմ մնացել նոցա վարքից. նոցա բոլոր իրերը ժողովուած էին և կարգով:— Միայն Սրբուհուն պահաս էր իւր պօլուիմպերիալը: Նրբ եւ սխեցի հարցնել, թէ ինչ է արել պօլուիմպերիալը, նա արտասուալեց սէքերով աղաչում էր ինձ, որ այլ ևս չհարցնեմ: «Նչ անեմ, մայրիկ, ասում էր, զչունիմ: Ես ինքս էլ չգիտեմ, թէ ինչ եղաւ:»— Այս բոլորը ապացուցանում է կամ թեթեւամտութիւնը, կամ... մի աւելի վատ բան:

ՄԱՐԻԱՄ: Սիրելի երէցկին, միայն այս անգամ ներեցէ՛ք Սրբուհուն: Դուք, յայտնի բան է, չէ՛ք զզրջալ ձեր ներողամտութեան վերայ: Նա շատ վեհ և ազնիւ հոգի ունի: Ծուէ՛ք նորան Աստուածաշունչը: Նա շատ կ'ուրախանայ:

ԵՐԵՅԿԻՆ: Թոտովանում եմ, մինչև օրս նա իմ սիրելին էր: Այս բոլոր տարին նա իրան շատ լաւ

էր պահում, աւելի բարեպաշտ, քան Հայկանուշը և այս պատճառով ես նորան համար նշանակեցի հայրական Աստուածաշունչը, ինչպէս մի ամենաթանկագին ընծայ, որով եւս կարող էի վարձատրել նորան: Բայց նա Աստուածաշունչն էլ չի կարող պահպանել, ինչպէս չ'կարողացաւ պահել ու խնայել իւր հօր վերջին պարգևը:

3. ՏԵՍԻՆ.

Նորա և Վիայանէ: (Հագած նոր, կապոյտ շերտերաւոր սպիտակ շոջազգեստ:)

ԻԱՒԱՆԵ: (Վազելով դէպի Մարիամը) Հաղել թէ ես ձեզ գտայ, օրիորդ: Թոյլ տուէ՛ք ինձ, որ մի լաւ շնորհակալութիւն անեմ ձեզ: Օ՛, դուք չ'պէտք է արհամարհէ՛ք մի խեղճ աղջկայ շնորհակալութիւնը: (Վամենում է ձեռքը համբուրել. բայց Մարիամը չի թոյլ տալիս և կանգնում է:)

ՄԱՐԻԱՄ: Ո՛վ ես դու, սիրելիս: Ինչո՞ւ ես շոնորհակալութիւն անում ինձ: Ինչո՞ւ ես ձեռքս համբուրում:

ԻԱՅԻՍԱՆԵ: Դուք ընծայեցիք ինձ այս նոր ու դեղեցիկ զգեստը. այդ բաւական չէ, հետն էլ այնպիսի մխիթարական խօսքեր էք զրում: Դուք՝ ինձ չ'ձանաչելով, լաւութիւն էք անում: Ո՛հ, ի՛նչպէս պէտք է շնորհակալութիւն անեմ Աստուծուն, որ այդպիսի բարերարութի է ուղարկում ինձ, խղճուկ

որբիս: (Տալիս է երէցկնոջն այն թղթի կտորը, որ կարուած էր զգետտի վերայ: Նրէցկինը կարդում է. իսկ Մարիամը ձեռներով ծածկում է իւր երեսը:) Ես ձեզ բողբը կ'ապումեմ, երէցկին: Ես մեծ մօրս հետ, մի-մի ծանր փայտի բեռը շալակած՝ տուն էինք տանում. օրն արդէն մթնել էր. սենեակն էլ մութն էր: Ես մի փոքր կրակ հանեցի վառարանից, մոմը վառեցի և կամենում էի մոմակալը դնել սեղանի վերայ: Տէր Աստուած, որքան զարմացայ...: Սեղանի վերայ դրուած է այս զգետտը, և վերան կարուած է այս թղթի կտորը:— Այս զգետտը ձ'իշդ նոյն քաթանիցն է կարուած, որ սկսել էր հիւսել ինձ համար հանդուցեալ հայրս: Ո՛հ, ի՛նչպէս արտաշարժուեցայ ես, ի՛նչպէս ուրախացայ:

ԵՐԷՅԿԻՆ: (Մարիամի երեսից յետ է քաշում ձեռները:) Մարիամ, մի՛ք ծածկիլ ինձնից ձեր սիրելի դէմքը: Փողէ՛ք, որ ես կարդամ ձեր աչքերում այն բարեգործ հոգու արտայայտութիւնը, որ թեւադրեց ձեզ՝ թէ այս բարի գործը և թէ այս մխթարական խօսքերը, որոնք դրուած են այս թղթի վերայ: Ո՛հ, բաղտաւոր է այն մայրը, որին Աստուած այսպիսի աղջեկ է տուել: Դուք, ինչպէս մխթարիչ հրեշտակ՝ ծածկաբար ներս էք մտնում որբի աղքատ բնակարանը և թողնում էք նորա համար ձեր նուէրները մի այսպիսի քնքշութեամբ: Սիրելի Մարիամ, հոգեանկա: (Գրկում է:)

ՄԱՐԻԱՄ: Օճ, բաւական է. ՚ի սէր Աստուծոյ

լուցէ՛ք: Դուք չ'գիտէք, թէ ի՛նչպէս ձեր գովասանքները տանջում են ինձ: Ինչո՞ւ դու կարծում ես, թէ այդ ես եմ արել, Գայիանէ: Մի՛ թէ դու տեսար այն մխթարիչ հրեշտակը, որ ծածկաբար ներս մտաւ քո աղքատ բնակարանը, և թողեց քեզ համար այդ նուէրը:

ԳՒՅԻԱՆԷ: Ես չ'եմ տեսել նորան. բայց գիտեմ, որ այդ հրեշտակը դուք էք: Հէնց դուք տուեցիք իմ մեծ մօրը երեք ուսուցիչներ, երբ նա տաշեղ էր հաւաքում ձեր դասը:

ԵՐԷՅԿԻՆ: Եւ դուք էք զրեւ այս թղթի կտորը: Ես ճանաչում եմ ձեր ձեռքը: Ո՛հ, ով ձեզ պէս բարեգործութիւն է անում, Աստուած նորա վերայ կ'ուղարկի իւր օրհնութիւնը և կ'վարձատրի:

ՄԱՐԻԱՄ: Ն'րէցկին, դուք ինքներդ կարող էք վարձատրել ինձ: Ես մի շատ մեծ խնդիր ունիմ ձեզ մօտ:

ԵՐԷՅԿԻՆ: Ասացէ՛ք. ինչ խնդիր: Ես պատրաստ եմ անել ձեզ համար ամեն բան, ինչոր կարող եմ:

ՄԱՐԻԱՄ: (Գրուանքով) Սիրելիս, աղաչում եմ մի՛ք բարկանալ իմ խնդիրքիս վերայ: Աստուածաշունչը Սրբուհուն տուէք:

ԵՐԷՅԿԻՆ: Ո՛հ, Մարիամ: Անկարելի է: Ձեր ազնիւ սիրտը կ'հասկանայ, որ այդպէս վարուելը և՛ անիրաւացի կ'լինէր, և՛ կողմնապահութիւն: Ինչո՞ւ ես անիրաւաբար վշտացնեմ Հայկանուշին, որ աւելի արժանի է այս ընծային և ամեն կերպով արժանա-

ցաւ սորան: Լաւ մտածեցէք սորա վերայ:

ՄԱՐԻԱՄ: (Ձեռները կոտրատելով) Տէր Աստուած, ի՛նչ անեմ հիմա: Ուրեմն, ի՛նձ ընծայեցէք այդ Աստուածաշունչը:

ԵՐԷՅՎԻՆ: Ոչ, Մարիամ: Ես չեմ ընծայիլ ձեզ, որովհետեւ ձեզ համար նա չի կարող այն գինն ունենալ, ինչոր ունի իմ զաւակների համար: Լաւ մտածեցէք: (Մարիամը լաց է լինում: Իսկ երեցկիկը հանում է կողովից միւս ընծաները և, դարսելով միւս սեղանի վերայ՝ շարունակում է.) Գիտէ՞ք, ի՛նչ կայ, Մարիամ: Եթէ այդչափ սիրում էք Սրբուհուն, այն ժամանակ դուք չ'պէտք է ներէք նորան իւր յանցանքը. այլ ընդհակառակն՝ պէտք է պահանջէք նորանից աւելի մեծ կատարելութիւն և կուրօրէն չ'սիրէք նորան:— Ահա, այժմ ամեն բան պատրաստ է: Կարելի է նաև զանգակը հնչեցնել, որ երեխայքը ներս մտնեն: Նոքա վաղուց սպասում են իմ փոքրիկ զանգակի ձայնին: Ա՛խ, ես մոռացայ էլ այն քաղցր կարկանդակը, որ եփել եմ նոցա համար և, որով մտադիր եմ ձեզ ամենիդ հիւրասիրել: (Գուրս է դրնում:)



### Մարիամը և Գայիանէն:

ԳԱՅԻԱՆԷ: Բաւական է, որքան լաց եղաք, Օրիորդ: Ինչո՞ւ դուք այդքան ափսոսում էք այդ Աստուածաշնչի վերայ: Մի՛ թէ աշխարհիս երեսին էլ ուրիշը չ'կայ, աւելի նորը և աւելի լաւ կազմով:

ՄԱՐԻԱՄ: Այս Աստուածաշունչը թանկ է Սրբուհու համար այն պատճառով, որ պատկանում էր իւր բարի հօրը, որ կարդում էր այն առաւօտ և երեկոյ: Ա՛խ, Գայիանէ, եթէ զիտենայիր, թէ ինչո՞ւ են Սրբուհուն զրկում այս ընծայից... (լացի ձայնով) դու աւելի շատ լաց կ'լինէիր, քան ես: (Երեսը թաշկինակով ծածկում է:)

ԳԱՅԻԱՆԷ: Մի՛ լաք, Օրիորդ: Ես չ'եմ կարող տեսնել իմ բարերարուհու արտասուքները: Աղաչում եմ, մի՛ լաք: Ասացէ՛ք ինձ, ի՛նչ է պատահել:

ՄԱՐԻԱՄ: Ա՛խ, կարծես, այսօր ամենքը միմեանց խօսք են սոււել՝ ինձ ցածացնելու:— Ամենքը նայում են ինձ վերայ մի այնպիսի շնորհակալութեամբ, մի այնպիսի յարգանքով, որոնց ես ամենեկին արժանի չ'եմ: Ամենքն ինձ փառաբանում են զովասանքներով. իսկ ես՝ պէտք է լռեմ և ականջ դնեմ այն բարի գործերի զովասանքներին, որ ես չ'եմ արել: Այդ արդէն չափիցն անցկացաւ: Ես էլ չ'եմ կարող համբերել սորան:

ԳԱՅԻԱՆԷ: Մի՞թէ ինձ ուրախացնելը ձեզ համար ուրախութիւն չէ:

ՄԱՐԻԱՄ: (Պաղատական ձայնով) Ո՛հ, լռի՛ր, եթէ գո՛նէ մի փոքր ինձ սիրում ես: Այսօր ես շատ ախուր եմ: (Գլուխը դնում է սեղանի վերայ և լաց է լինում:)

ԳԱՅԻԱՆԷ: Կարելի է, ձեզ հաճելի չի, որ ես այստեղ եմ...: Եթէ կ'հրամայէք, գուրս կ'գնամ:

ՄԱՐԻԱՄ: (Գգուելով նորան) Ո՛չ, սիրելի Գայիանէ, կ'աց այստեղ. ինձ շատ հաճելի է քեզ տեսնել: Ահա, երեցկիկն էլ բերում է կարկանդակը: Նուտով աղջկերանցն էլ կ'կանչի:

5. ՏԵՄԻ:

Ամենքը:

(ԵՐԷՑԿԻՆԸ բերում է քաղցր կարկանդակը, դնում է մեծ սեղանի վերայ. յետոյ հնչեցնում է փոքրիկ զանգակը: Սրբուհին և Հայկանուշն ուրախ ուրախ ներս են վազում:)

ՀԱՅԿԱՆՈՒՇ: Ո՞ր սեղանն է պատրաստուած ինձ համար...:

ՍՐԲՈՒՀԻ: Իսկ ինձ համար՝ որը:

ՀԱՅԿԱՆՈՒՇ և ՍՐԲՈՒՀԻ (միասին): Ո՛հ, մայրիկ. ցոյց տուր մեզ մեր սեղանները:

ԵՐԷՑԿԻՆ: (Հայկանուշին) Այն սեղանը, որի վերայ դրուած է Աստուածաշունչը, քեզ համար է պատրաստուած: (Սրբուհուն) Իսկ այժմ՝ քեզ համար: (Սրբուհին և Հայկանուշն ուրախութեամբ քննում են բոլորը, ինչոր դրուած է իւրեանց սեղանների վերայ: Հայկանուշը մեծ ուրախութեամբ վերայ է ընկնում, Աստուածաշունչն է վեր առնում. իսկ Սրբուհին մտածմունքի մէջ ընկղմուած և ձեռները կցած՝ կանգնում է իւր սեղանի առաջը:)

ՀԱՅԿԱՆՈՒՇ: (Ուրախացած) Հայրիկի Աստուածաշունչն ինձ ընկաւ: Օ՛, մայրիկ, սիրելի մայրիկ: Ի՛նչ թանկագին բան է. ի՛նչ գանձ է: (Բաց է անում գիրքը և նայում է առաջին երեսին:) Ահա, հայրիկի անունը, որ գրել է իւր սեփական ձեռքով: (Համբուրում է ձեռագիրը:)

ՍՐԲՈՒՀԻ: (Նայելով Մարիամի և Գայիանէի վերայ՝ քաջալերում է և, վեր առնելով իւր սեղանից սաղմոսն՝ ասում է.) Մայրիկ, մի փոքր քաղցր նայիր ինձ վերայ: Ներիր ինձ: Խոստանում եմ քեզ, որ կ'ուզողուիմ: Ահա, այս գեղեցիկ գիրքը կ'սովորեցնի ինձ ամեն լաւ բան:

ԵՐԷՑԿԻՆ: Այո, Սրբուհի. ուղղուիր, զգուշացիր և աւելի խնայող եղեր: Մի կորցնիլ այնպիսի թանկագին բաներ, որոնց ոչ մի բանով չի կարելի փոխանակել: Ասեղ, հօ, չէր: Թեթևամտութիւնը լաւ բան չի: Նա միշտ ունի վատ հետևանքներ: Հէնց այսօր. եթէ քո թեթևամտութիւնը չ'լինէր, Աս-

տուածաշունչը քեզ կ'ընկներ: Բայց, էլ փոխել չի կարելի: Գու գիտես, որ ես միշտ կատարում եմ տուած խօսքս:

ՍՐԲՈՒՀԻ: Լաւ: Բայց, բաւական է, որքան բարկացար ինձ վերայ, սիրելի մայրիկ: Յայտնի բան է, Հայկանուշն ինձնից աւելի արժանի է այս Ատուածաշնչին. և ես հաւատացած եմ, որ նա թող կ'տայ ինձ երբեմնապէս կարգալու: Այնպէս չէ՞, Հայկանուշ:

ՀԱՅԿԱՆՈՒԾ: Օօ, ինչ ասել կ'ուզի: Միասին կ'կարգանք: Բայց տեսնենք, ուրիշ ինչ է ընծայել մեզ մայրիկը: (Նայում է իւր ընծաները:) Տէր Ատուած, ինչ գեղեցիկ է այս բոլորը, աչքերիս չ'եմ հաւատում:

ԵՐԷՅՎԻՆ: Ուրախութեամբ ընդունեցէք, որդեակներս, ինչ որ ես ընծայում եմ ձեզ սիրով: (Նայելով Մարիամի վերայ.) Նս ճանաչում եմ մի հրեշտակ, որ ծածուկ բարերարութիւն է անում և ցամաքեցնում է որբի արտասուքները: Նայեցէք Գայիանէին. ինչ նոր ու գեղեցիկ շրջագետ է հագել: Մարիամն է տարել նորա համար, ամենքից ծածուկ:

ԳԱՅԻԱՆԷ: (Սրբուհուն) Եւ հէնց այնպիսի շրջագետ, որ հայրիկս սկսել էր հիւսել ինձ համար: Միաներդ գալի՞ս է, որ ես անցեալ օրը ձեզ ցոյց տուի:

ՄԱՐԻԱՄ: (մի կողմն է քաշում Սրբուհուն, գրը-

կում է նորան և արտասուլից աչքերով ասում է.) Ախ, եթէ դու գիտենայիր, թէ որքան ծանր է ինձ համար լսել այդ անարժան գովասանութիւնները, այս շնորհակալութիւնը: Սրբուհի, ես չ'եմ կարող զսպել արտասուքս:

ՍՐԲՈՒՀԻ: Ահա, հիմա ես տեսնում եմ, թէ որքան յուսալի է քո բարեկամութիւնը: Լաիր, Մարիամ, ինդրում եմ, լուիր:

ՄԱՐԻԱՄ: Մի պահանջիր ինձնից, ինչ որ անկարելի է:

ԵՐԷՅՎԻՆ: Օօ, միշտ սիրեցէք միմեանց, Հայկանուշ, դու էլ մօտեցիր: Նայիր Մարիամին: Արդեակներս, թող սա միշտ օրինակելի լինի ձեզ համար. ամեն բանում օրինակ առէք սորանից: Ինձ էլ պառաւութեանս ժամանակ այնպէս ուրախացրէք, ինչպէս Մարիամն ուրախացնում է իւր մօրը: Այնպէս եղէք, որ ես չ'կարողանամ նախանձուիլ որ և է մօր վերայ և, որ ես գերեզման իջնեմ այն մտիթարական յուսով, թէ դուք էլ այնպէս բարեգործ էք, ինչպէս մեր սիրելի Մարիամը:

ՄԱՐԻԱՄ: (Տաքացած) Աչ, այդ արդէն չափիցն անցկացաւ: Բարեկամութեան համար ես պատրաստ եմ մեռնելու: Բայց յափշտակել մայրական սրտից այդպիսի օրհնութիւն, ...այդ յանցանք կ'լինէր: Այդ բարեկամութիւնն անգամ չի կարող արդարացնել: Այդ կ'լինէր ցածութիւն, ամարդութիւն: (Նա զրպանից հանում է թաշկինակը, որի մէջ պահել էր պո-



լուխմպերիալը. կամաց զնում է մեծ սեղանի վերայ  
և ասում.) Երէցկին, մօտեցէք այստեղ. ես ձեզ նոր-  
տարութիւն մի բան պէտք է ընծայեմ: Դուք կըն-  
դունէք իմ ընծան. այնպէս չ'է:

ԵՐԷՑԿԻՆ: Այդ ի՞նչ ընծայ է, սիրելի Մարիամ:

ՄԱՐԻԱՄ: (Երէցկնոջը մօտեցնելով սեղանին.)

Այս՝ ձեր մայրական սիրոյ վարձատրութիւնն է, ձեր  
այն քնքուշ հոգացողութիւնների վարձատրութիւնն  
է, որոնցով դուք դաստիարակում էք ձեր աղջկե-  
րանցը: Իմ ընծան ձեզ համար մի ամենամեծ ուրա-  
խութեան պատճառ կ'դառնայ: Դուք պէտք է հա-  
ւատացած լինիք, որ չ'կայ մի այնպիսի մայր, որին  
դուք կարողանայիք նախանձուիլ:

ԵՐԷՑԿԻՆ: Ես ոչմի կերպով չ'եմ կարողանում  
գուշակել թէ ի՞նչ է նշանակում այս: Դուք հանե-  
լուկներով էք խօսում:

ՄԱՐԻԱՄ: (Մարիամին կամաց և ահով.) Մի՞թէ  
կամենում ես ինձ դաւաճանել:

ՄԱՐԻԱՄ: (Երէցկնոջը) Երէցկին, բարձրացրէք  
իմ թաշկինակը:

ԵՐԷՑԿԻՆ: (Բարձրացնում է թաշկինակը. փողը  
դիպչելով սեղանին՝ ձայն է հանում. երէցկինը զար-  
մանալով վեր է առնում և ասում.) Ի՞նչպէս: Այո  
Սրբուհու պօլուխմպերիայն է: Ո՞վ տուեց ձեզ:

ՄԱՐԻԱՄ: Հիմա Սրբուհին ինձ վերայ կ'բար-  
կանայ: (Սրբուհուն) Մի բարկանալ, եթէ ես լուծեմ  
այս հանելուկը: (Երէցկնոջը) Դուք բաղտաւոր մայր

էք, երէցկին: Ձեր աղջկը, ձեր Սրբուհին այն մը-  
խիթարիչ հրեշտակն է, որ ծածկաբար բարեգոր-  
ծութիւն է անում, որ ծածուկ ներս է մտնում որբի  
աղքատ բնակարանը՝ նորա արտասուքը ցամաքեցնե-  
լու համար: Սրբուհին, չ'կամենալով, որ իւր հան-  
գուցեալ հօր պարզէն ուրիշի ձեռքն ընկներ, կամե-  
նում էր, որ ես նորա պօլուխմպերիալը մանրէի ար-  
ծաթ փողով. այն փողով նա վճարեց Գայիանէի շըր-  
ջազգեստի գինը: Նա առաջուց զիտէր, որ ամենքը  
ինձ վերայ կարծիք կ'տանեն, և ինձնից խօսք առա-  
լուելու: Ես երկար ժամանակ լռեցի. բայց էլ ոյժ  
չ'ունէի լռելու: Իմ կարծիքով, աւելի հեշտ է համ-  
բերել անէծքի, քան՝ անարժան գովասանքների:

ԵՐԷՑԿԻՆ: Ի՞նչ էք ասում: Բայց, Մարիամ,  
թուղթը ձեր գրածն է:

ՄԱՐԻԱՄ: Այո. ես այդ թուղթը գրեցի նորա  
խօսքերով: Սրբուհին չէր կամենում, որ ինքը յայտ-  
նուէր: Նորան բոլորովին յաջողեցաւ իւր բարի  
գործը: Եւ նա ի՞նչպէս վարձատրուեցաւ զորա փո-  
խարէն: (Վերառնելով Աստուածաշունչը) Այո գիրքը,  
որ նա էր կամենում ունենալ, իրան չ'ընկաւ: Սորան  
յանդիմանում էին, պատժում էին. իսկ ինձ....  
չնորհակալութիւն էին անում, գովում էին: Այժմ  
կ'հասկանաք, թէ ինչու ես այնպէս լաց էի լինում:

ԵՐԷՑԿԻՆ: Սրբուհի. դու էլ լուռում էիր, երբ  
ես քեզ հետ այնպէս խիստ էի վարուում: Դու չ'բաց  
արիր ինձ քո սիրտը, համբերութեամբ տանում էիր

նախատինքներին և միայն հոգուդ խորքումն ուրախանում էիր քո արած բարեգործութիւնով:

ՍՐԲՈՒՀԻ: Ներքի ինձ, մայրիկ: Չէ՞, որ դու ինքդ միշտ ասում ես, թէ բարեգործութիւնն այնպէս ծածուկ պէտք է անել, որ ուրիշները չիմանան:

ԵՐԷՑԿԻՆ: Յորենի սերմն ընկաւ բարի հողում և տուեց հարիւրաւոր պտուղ: Ի՞մ սիրելի և բարի աղջիկ. գրկիր ինձ: Թող, որ սեղմեմ քեզ իմ խորին կերպով շարժուած սրտիս: (Երեցկինը գրկում է Սրբուհուն. Գայիանէն համբուրում է Սրբուհու ձեռքը և հեռանում:)

ԳՍՅԻԱՆԵ: Ես էլ չէի կարող ձանաչել իմ մըխիթարիչ հրեշտակին: Ի՞նչպէս կարող էի ես յիշել սորա անունը աղօթքով և օրհնութեամբ: Իսկ սա մտածում էր ինձ վերայ այսպիսի սիրով:

ՄԱՐԻԱՄ: Ո՛չք բացի ինձնից՝ չէր կարող լուծել այս հանելուկը: Յոյս ունիմ, որ դու ինձնից էլ բաւական ես: Սրբուհի, մի բարկանալ ինձ վերայ: Մի դադարիլ ինձ սիրելուց: Միշտ բարեկամ լինի՛նք. միշտ հաւատարիմ մնանք բարեգործութեանը և բարեկամութեանը:

ԵՐԷՑԿԻՆ: Այս պօլուխնպէրիպը ես կ'պահեմ ինձ վերայ՝ ինչպէս մի հմայեակ, մինչև իմ կեանքի վերջը: Իսկ մեռնելուս ժամանակը քեզ կ'տամ, Սրբուհի, ինչպէս ամենալաւ և ամենաթանկագին ժառանգութիւն:

ՍՐԲՈՒՀԻ: Ո՛հ, մայրիկ. Մարիամ, ի՞նչպէս պէտք է ես արտայայտեմ իմ շնորհակալութիւնը:

ԵՐԷՑԿԻՆ: Ո՛հ, եթէ քո հայրը կարողոնար տեսնել այս...: Բայց ես հաւատացած եմ, որ նա տեսնում է քեզ և օրհնում է ինձպէս: (Այս բոլոր միջոցում, Հայկանուշը, որ լուռ և մտածմունքի մէջ ընկած՝ կանգնած էր իւր սեղանի մօտ, արագութեամբ վեր է աւնում Աստուածաշունչը, մօտենում է Սրբուհուն. և ծունկ է չորում նորա առջևը:)

ՀԱՅԿԱՆՈՒՇ: Սիրելի քոյրիկ. վերջապէս ես էլ մօտենում եմ քեզ սիրով. (Սրբուհին բարձրացնում է Հայկանուշին:) Բայց ես բերում եմ քեզ այն ընծան, որի վերայ դու միայն իրաւունք ունիս, որ միայն քեզ է պատկանում: Դու մեզնից ամենալաւն ես, և քո վարձատրութեան համար՝ քեզ պէտք է հասնի հայրիկի Աստուածաշունչը: Ես գիտեմ, որ մայրիկը ո՛չ մի պատճառով չի խլել ինձնից այն, ինչոր արդէն մի անգամ տուել է ինձ, և այս պատճառով ես յօժարութեամբ տալիս եմ քեզ այս գիրքը, որի վերայ շքում է մեր հօր հոգին: (Սրբուհին աւնում է Աստուածաշունչը: Յետոյ երեցկինը պարփախում է իւր գրկումը երկու աղջկերանքը: Մարիամը և Գայիանէն կանգնում են երկու կողմում:)

ԵՐԷՅՎԱՆ: (Ձեռները դնելով Սրբուհու և Հայ-  
կանուշի գլխին.) Դո՛ւք երկուսդ էլ ձեր բարեգործ  
հօր արժանաւոր զաւակներն էք: Ձեզ վերայ հան-  
գըստանում է նորա հոգին: Ես երջանիկ մայր եմ. իսկ  
դո՛ւք՝ իմ կեանքի միակ ուրախութիւնը:

(Վարսեղայրն իջնում է:)



ՄԵՐ ԱՇԽԱՏՈՒԹԻՒՆՆԵՐԸ.

- 1) ԱՆԵԿԳՕՏՆԵՐ. հատոր I. 1876 . . . 50 Կ.
- 2) ԱՆԵԿԳՕՏՆԵՐ. հատոր II., 1877 . . 50 Կ.
- 3) ՆԱԽԱՊԱՇԱՐՄՈՒՆԻ. հ. I., 1878 . 50 Կ.
- 4) ՊՕԼՈՒԻՄՊԷՐԻԱԼ. 1878 . . . . . 20 Կ.

Վ. յ. գրքերը կարելի է ստանալ հետևեալ  
հասցէով.

„Въ Тифлисъ. — Кавказская  
Книжная Торговля З. П. Гри-  
курова“.

ՅԱՅՏԱՐԱՐՈՒԹԻՒՆՆԵՐ.

1.

«ԱՆԵԿԴՕՏՆԵՐ»-ի III. Հատորը պատրաստելու համար ժողովում ենք մեր կեանքից առնուած անեկդոտներ: Մեզ անեկդոտներ ուղարկողների ազգանունները կտպագրուին զրքի վերջումը և նոցանից իւրաքանչիւրը կստանայ մի օրինակ:

2.

«ՆԱԽԱՊԱՇԱՐՄՈՒՆՔ»-ի II. Հատորը պատրաստելու համար ժողովում ենք մեր կեանքից առնուած նախապաշարումներ: Մեզ նախապաշարումներ ուղարկողների ազգանունները կտպագրուին զրքի վերջումը և նոցանից իւրաքանչիւրը կստանայ մի օրինակ:

ՄԵՐ ՀԱՍՑԻՆ.

“Въ Симферополь (Крымъ.) Въ Армянское Училище. Учителю Ованесу Назаріанцъ.”



№	Կովկասեան զրաւաճառանոցի-Չ.ա.ք. Գրիգորեանցի տպագրութիւնները.— ՄԱՆԿԱԿԱՆ ԳՐԻՆԵՐ.	Կօպ
1	Աքիմեանց. «Նալայ ու Ղամայիանտի» Հնդկաստանի հէքիաթ. [Ժարգմ. Յօգուտ այն 3000 հայ բնա- նիքների, որոնք ներկայ պատե- րազմի պատճառով ստիպուեցան զաղթել դէպի Երեանի նա- հանգրւ.— Գիւնն է . . . . .	20
1	Նոյն տեղում վաճառուում են.	
1	Աքիմեանց.— Ռակէ ասեղներո. հէ- քիաթ. [Ժարգմ.: . . . . .	10
2	Տ. Ն. Ա.— «Աշտոնի Ընտանիքը». [Ժար- գրմանու թիւն.: . . . . .	25
3	Օրիորդ Սահակեանց.— «Մանկական Վէպ». [Ժարգմ.: . . . . .	10
4	— «Փոքրիկ Մէզը և նորա մանուկ- ները». [Ժարգմ.: . . . . .	20
5	Միրզարեգեանց.— «Միրիւր [Ժշնամի- ներից». [Ժարգմ.: . . . . .	35
6	Արշալույս.— «Թռչնորս». [Ժարգմ.: . . . . .	40

« Ազգային գրադարան



NL0383879

283

